

Kontuola

ANTZUOLA / Egubakoitza / 2002ko maiatzaren 17a / 113. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

San Isidro eguna ospatuko dute zapatuan, aurten ganaduarekin

AINZANE IRIZAR

Maiatzaren 15ean, eguaztena, izan zen San Isidro eguna, baina azkeneko urtetan moduan, zapatuan ospatuko da egun hori Antzuolan. Goizean azoka egingo dute, eta aurten, iaz ez bezala, ganadua ere egongo da: behiak, ardiak, behorrak...

Iaz, hain ezagunak egin ziren ganaduen osasun arazoak zirela eta, ez zen ganadurik egon San Isidro eguneko azokan. Aurten, urteroko ohiturari berriro eutsi eta ohiko feria egingo dute. Antzuolako baserrietakoak izango dira feriako ganadu guztiak: behorrak, ardiak, astoak, behiak, txahalak eta idiak ere egongo dira. Herriko plazan bertan egongo dira ganaduok ikusgai.

Ganaduez aparte, baina, beste hainbat postu ere egongo dira zapatu goiz osoan zehar, elizpean eta Kalebarrenen; era guztietako produktuak ikusi ahal izango ditugu postu horietan: zilarra, kandelak, otarrak, ezta, lore sikuak, gazta eta txorizoa eta eskuz margotutako kamisetak, besteak beste.



Herriko plazan egongo da ganadu feria zapatu goiz osoan zehar.

Lehiaketara aurkeztutako kukumarroen erakusketa egongo da plazako iturri inguruan.

Goizeko hamaiketan meza ospatuko dute. Ondoren, eguer-

di aldera, Patxiko Txerren ipuingintzako sariak eta kukumarro lehiaketakoak banatuko dituzte udaletxe aurrean, 12:00etan. Sari banaketan ostean, 12:30 aldera,

bertso saioa izango dugu herriko plazan. Amets Arzallus Nafarroako txapeldun berria eta Ainhoa Agirreazaldegia bergararra ari tuko zaizkigu.

HERRITARREN HITZA / Beñardo Kortabarria • Kazetaria

Anzuola es tan pequeño...

Que no se ve en el mapa... abesten genuen txikitik. Aurreko baten inguruko batek Donostian taxia hartu behar izan zuen Antzuolara etortzeko. Antzuolara esan beharrean Martera esan izan balio nekez jarriko ei zuen taxistak harridura aurpegi handiagorik. Maiatzaren lehen lagun-kuadrilak Enkarterrieta-ko edari-dendak -tabernak baino finago geratzen dabisitatuen. Jende askorekin berba egin genuen, baina ezin gure berri zuenik aurkitu. Lanestosara jubilatu-tako azkoitiarra izan ezik. Horrelakoetan "Ah! Bai,

uraren herria" bezalako erantzunik nork ez du jaso?

Behin baino gehiagotan izan dut susmo hori, geure herriaz harro egon arren, zer bait garelake uste arren, Bergarako auzotik harantzago apenas ezagutzen gaituzte. Eta hotzean. Ba al dugu harro egoteko motiborik?

Herriaren arkitekturari begira, kurioso badago ere, ez dirudi turistak erakartzeko bestekoa denik. Mairuaren pasadizoa alde



"Antzuolarrok, ba al dugu harro egoteko motiborik?"

kirolari handiena elgetarra da, eta izan den antzuolar ospetsuena Lizartatar zeukan ia Euskal Herri osoak. Altzolako uraren

batera lagata, ez dugu historia handirik. Pentsa, independentzia bera diruz erosi genien bergatarrei-oraindik zorretan daude. Industria osasuntsu dago, eta ez da gutxi, baina larrugintzak ematen zion nortasuna galduta. Pertsonaia famatu horietakorik ere ez dugu. Daukagun

pareko markarik ere ez dugu...

Asuntoari buelta emateko garaia da. Indar hartzen ari den ur-lasterraren kontra igeri eginda gainera, eta gainontzeko guztiek tupust egiten duten harria gaundituta. Goikoei kasu egin barik -hau da, nortasun propioz- ezetz ofizialki Lizarragarazi berresteko gauza izan!

Hórrelakorik egin ezean etorkizuneko historialariek zera esango dute gutaz: "XXI. mendean oraindik baziren pizinarik gabeko herri batzuk: Abaltzisketa, Antzuola, Belauntza, Gatzaga...". Ezin ukatu hori ere urte batzuk barru nabarmenezko modua izango dela.

LABUR

Irakeko argazkien erakusketa datorren astean

Datorren egubakoitzean, maiatzak 24, 18:30ean, zabalduko dute Iraken gaineko erakusketa Olaranen, eta domekara arte egongo da zabalik. Goizez, 12:00etatik 14:00etara egongo da ikusgai; arratsaldez, berriz, 18:30etik 20:30era.

Anelkarren bitartez antolatua da erakusketa hori. Estatu espainiarreko "Acción Verapaz" Gobernu Kanpoko Erakundearena da erakusketa, eta Irakeko gaur egungo egoeraren berri ematen digu erakusketak.

Gazteek ingelesa ikasteko aukera dute udalekuetan

Umeendako ezezik, herriko gaztetxoendako ere udalekuak antolatu ditu Udalak. 12 eta 15 urte bitarteko gaztetxoek ingelesa ikasteko aukera izango dute uztailearen 1etik 17ra egingo dituzten udalekuetan.

Parte hartu nahi dutenek maiatzaren 22a baino lehen eman beharko dute izena udalekuean edo liburutegian. Hamar laguneko taldeak osatuko dituzte, eta gazte bakoitzak, gehienez, 84 euro ordaindu beharko ditu, gainerakoa Udalak ordainduko du-eta.

Herriko azpiegitura sarea hobetzeko proiektua

Maiatzeko osoko bilkuran udalbatzarrak onartu zuenez, Ingenieria 21 enpresak idatziko du Antzuolako azpiegitura sarea hobetzeko proiektua. Proiektu horren helburua izango da herriko saneamendu eta hornikuntza instalazioak ezagutu, ondo zehaztu, eta aurrerantzean egin behar diren urbanizazio lanetarako irizpideak markatzea. Esate baterako, Urkuluko urtegitik ura ekartzen dutenean, herriko ura zela aprobetxatu aztertu nahi dute.

ELKARRIZKETA

JOSE ANTONIO LOBO/ACCIÓN VERAPAZ ERAKUNDEKO KIDEA

“Gerra ondoreneko enbargoak pobrezia handia ekarri dio Iraki”

A.I.


Datorren eguenean, maiatzaren 23an, Iraken gaineko hitzaldia egingo du Jose Antonio Lobok. Jaz, maiatzean, Irakera egindako bisitan ikusi eta entzundakoen gainean berba egingo du Olan etxean, 19:00etatik aurrera.

Irak, errugabeen sufrimendua izenburua jarri diozu egingo duzun hitzaldiari.

Bai; izan ere, sufrimendu handia ikusi genuen han; batez ere, gerraren eraginez, eta baita gerra ondorenetik jasaten ari diren enbargoaren ondorioz ere. Enbargoak pobrezia handia ekarri dio Iraki, bereziki, gizarteko sektore ahulenei, umei eta emakumei. Gainera, esan behar da, gerra eta enbargoaren aurretik ez zela batere herrialde pobrea. **Zein kontaktu izan zenituzten Iraken?**

Egia esan, gure esperientzia Iraken nahikoa mugatua izan zen; astebete pasatxo egin genuen han. Domingotar talde bat joan ginen, Irakeko V. Kristau Konferentzian parte hartzera. Gero, bidaiari hura aprobetxatuz, Irakeko hainbat domingotarrekin egon ginen. Hango egoera politikoak deskontzertatu egiten gintuen; dena dela, gu gehien arduratzen gintuena iraktarrek bizi zuten egoera zen, jendearen egoerak arduratzen gintuen, batik bat. **Zelakoa zen egoera hori?**

Irak bizi duen egoeraren gakoa lur azpian duen altxorra da: petrolio. Gerra hasi aurretik, proiektu ekonomiko indartsua zuen Irak, etorkizunari begira, azpiegitura ekonomiko indartsu bat sortzeko. Azpiegitura horrekin guztiarekin bukatu zuen gerrak. Gaur egun, izugarrizko gabeziak dituzte herriak. Datuen arabera, 1996an milioi erdi ume hil ziren enbargoaren ondorioz. Izan ere, janari falta eta bereziki botikena oso handia da.



“Irak bizi duen egoeraren gakoa lur azpian duen altxorra da, petrolio”

Hainbat ospitale bisitatu zenuten, ezta?

Bai; Konferentziako antolatzailak hainbat toki bisitatzera eramaten gintuzten. Ospitaletako egoera tamalgarria ezagutzeko aukera izan genuen; botika oso gutxi daukate eta bestelako mate-

“Ospitaletako egoera tamalgarria da: botika eta bestelako material falta daukate”

rialak ere falta zaie. Bisita horietan, gerra garaiko babeslekuak ere ikusi genituen, eta umezurtzetxeetan ere egon ginen.

Hamaika urte daramatzate irakiarrek enbargoa jasaten, eta jendea nahikoa frustratuta dagoen sententzia izan genuen.

KIROLA

Pirinioetara joateko irteera antolatu du Arrolak, gazteendako

Debagoieneko gainerako mendi taldeekin batera, gazteei zuzendutako irteera antolatu du Arrolak datorren asteko astebururako. Oraindik zehazteke duten arren zein tokitara joango diren, Pirinioetara joango dira asteburua pasatzera, maiatzaren 25etik 26ra.

Interesa dutenek Arrolako batzarkideei galde diezaiekete. Bestela, datorren martitzenean, maiatzaren 21ean, Arrolaren egoitzan emango dizuete informazio gehiago, arratsaldeko zazpiak eta zortziak bitartean.

EMAITZAK

FUTBOLA

Eibartarrak 5 Antzuola 2 (neskak)

Antzuola 1 Soraluze 3 (gazteak)

Zestoa 3 Antzuola 1 (kadeteak)

PALA

Lehen mailako finala

Manso-Iturbe 15 Azkarate-Jauregi 30

Bigarren mailako finala

Biteri-Biteri 30 Azkarate-Rodríguez 21





Zapatuan jokatu ziren palako finalak

Zapatu goizean jokatu zituzten herriko Pala Txapelketako finalak. Goizean goiz hasi ziren partiduak, zortzi eta erdietan, hain zuzen ere. Horregatik, jende gutxi egon zen partiduak ikusten, baina han elkartu ginenok partidu politikak ikusteko aukera izan genuen. Lehen mailan, Oskar Azkarate eta Tomas Jauregi (argazkian) 30-15 nagusitu zitzaizen Iker Mansori eta Ruben Iturberri. Bigarren mailan, berriz, Biteri aita-seeek 30-21 irabazi zieten Aitor Azkarateri eta Andoni Rodríguezi. /A.I.

LEKY-BERRI
MERENDEROA

Janariak
eta
edariak

Tf. 943 76 60 94
ANTZUOLA



Bidea eginez

Tailerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBaren bidez
- Birgaitze-espedienteak bideratzen ditugu

MUJIKA
HARATEGIA



**Berezitasunak:
Etxean hazitako
zekorrek eta oilaskoak**

Kalebarren, 1.
ANTZUOLA
Tf. 943 76 64 34